



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia


Nádasi, János

Coloniae Ubiorum, 1667

Anni Cælestis Junius.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

480 ANNI CÆLESTIS
aternitate amantium, & honoran-
tium te!



ANNI CÆLESTIS
JUNIUS.

I Junii. Kalendis Junii.

S Anctæ Simeon, solitudinis, o-
rationis, ac jejuniorum studio-
sissime, è mari, Angeli operâ,
erepte; dæmonum, formis pluri-
mis tibi oranti obstrepentium, &
illudere, terrere, decipere conan-
tium, victor; qui lucem tibi à dæ-
mone in conclave immisam, ne
aspectu quidem dignatus, dixisti:
Mortuo mihi orietur Sol meus; ac
tandem de die mortis à Domino
monitus, etiam post mortem in ca-
daveretuo sudâsti. Arma me con-
tra omne id, quod morienti mihi
obesse potest ad æternitatem. Ora,
ut oratione, ac jejunio ita tentan-
tem omnem hostem semper vin-
cam, ut mihi & vivo, & morien-
ti, oriatur Sol meus verus, Sol æ-
ternitatis sanctæ, lumen gloriæ,
dies Dei æternus. Amen.

S. Juventi Martyr.

S. Pam-

S. Pamphile Presbyter, Valens
Diacone, Paule, aliique novem
Martyres.

SS. Reveriane Episc. Paule, ac
alii decem Martyres.

S. Thespsi, post cruciatus alios,
decollate.

Sancti Ischyron, dux militum,
aliique quinque milites, MM.

S. Firme M. acerbissimis plagis
affecte, lapidibus percusse, capite
caese.

Sancti Feline, & Gratiniane
milites, Martyres.

S. Procule M. qui resectum tuum
caput, e terra sublatum, tuis ipse
manibus portasti.

S. Romedi, ad quem, e vita mi-
grantem, Sanctus Vigilus campa-
nae, divinâ manu ter pulsatae, sono
est evocatus.

S. Crescentiane miles, M.

S. Secunde M. in Tiberim pro-
jecte.

S. Fortunate Presb.

S. Simeon monache, qui mor-
tem tuam, post centum & quin-
que dies obeundam, ex vero præ-
dixisti; miraculis deinde, ad se-
pulchrum tuum patris, mirabi-
lis. ad cujus festi lætitiã volens
ire juvenis peccatis sordidus; nec

ire illuc potuit, nec deferri, peccatorum pondere vires omnium superante: sed peccata dolenter confessus, facili negotio eò, quò hactenus non poterat, ascendit. Expedi me à peccatis, quæ, sicut onus grave, gravata sunt super me; ut amor Dei sit pondus meum, & illo ferar, quocunque ferar!

S. Caprasi Abba, consummata sanctitatis vir; cui apparens S. Michaël Archangelus, felicem tibi obitum post biduum imminere dixit.

OMNES SANCTI, &c.
pag. 320.

S. MARIA, *cujus Cordis festum hodie celebratur: Tibi aeternum confecro cor meum! Sint festum Cordis tui singula hora mea; sint secundum Cor tuum, & cor meum, in aeternum!*

2 Junii. 4 Nonas Junii.

SANCTA Blandina, quæ à primo mane, usque ad vesperum, usque ad carnificum lassitudinem, cruciata, inter dolores clamabas: *Christiana sum, & apud nos nihil admittitur sceleris.* Deinde à bestiis intacta, verbera, sartagines passa, reti involu-

voluta, ab immani tauro exagitata, ense tandem jugulata pro Christo es. O Sancta gloriosa! Ora, ut ita vivam et ego, ita moriar verè *Christianus*; ut *nihil apud me, nihil à me, admittatur sceleris*. Defende me à bestiis inferni! impetra, ne me irretire possit dæmon; ut denique non tradat bestiis meam hanc animam, confitentem sibi, Deus meus. Amen.

S. Marcelline Presb. carceri, sinè cibo, sinè lumine, inclusè, & in vitri fragmentis volutate.

S. Petre, ab Angelo, unà cum Marcellino, è carcere liberate; & conversis pluribus, unà cum illo, capite plexe.

S. Erasme Episc. plumbatis, & fustibus cæse; resinâ, sulphure, plumbo liquefacto, cerâ, pice ferventi, oleoque perfuse, semper illæse; è carcere ab Angelo erepte; iterùm, post varia supplicia, areâ tunicâ candenti indute; ad quem pro nobis, te invocaturis, orantem vox è cælo audita est dicens: *Erasme, serve bone, quacunque petiisti accipies: intra in gaudium Domini tui, & epulare cum justis, ac electus Dei, in secula seculorum!* Cùmque jam propè à morte abesses, audita iterùm

rum vox cælestis, *Erasme*, agebat, *veni & requiesce; & recipe laborem tuum: per te enim honorificatus sum in celo, & in terrâ.* simulque admirabilem è cælo tibi obviam coronam vidisti, ac Sanctorum Apostolorum & Prophetarum choros. quando verò moriens dicebas, *Domine JESU Christe, suscipe animam servi tui!* anima tua, niveo candore spectabilis, visa est in cælum ab Angelis deportari.

S. Pothine Episc. nonagenarie senex, qui multis, ac variis cruciatibus tessus, in carcere biduo post animam efflâsti.

S. SANCTE Diacone, qui quis, cujas, qualis, esses? rogatus, non nisi, *Christianus sum*, respondisti; & licet cruentatus totus, laminisque ignitis toto corpore tortus, pulchrior tamen apparuisti, & cum S. Maturo neophyto, in ferreis, ignitisque cathedris frigus, unâ cum illo, caput pro Christo securi subjecisti.

S. Vetti, cognomento Epagathe, Christianorum advocate, cum iisdem, & SS. Biblide, Attalo, Alexandro, per fortia, & iterata certamina, Martyr.

S. Eugeni Papa.

S. Jo-

S. Joannes de Urticâ, cui S. Nicolaus, patronus tuus, è cælo adfuit, ac te suum, in beatâ perennitate, collegam fore prædixit.

S. Nicolae Staurophore, Crucis semper bajule, qui moriens Crucem viventibus legâsti.

OMNES SANCTI, &c.

pag. 320.

S. MARIA *Silvaducensis*, quæ antequam quendam, sagittâ vulneratum, per sanares, illi apparuisti, & monuisti, ut mores patrocínio tuo dignos indueret. Redde me dignum auxilio tuo semper!

3 Junii. 3 Non. Junii.

Sancti fratres, Pergentine, & Laurentine, qui vósmet invicem, ne præsentia, sed æterna tormenta timeretis, hortati, post jejunium triduanum, in carcere, pane Angelico, in cælesti luce, ab Angelis resecti, aperto licet divinitus carcere, fugere nolulistis; & post prunas ignitas, illælo pede calcatas, plurimis ad Christum adductis, suavissimis è cælo vocibus, quibus ad mortem felicem invitamini, auditis, illam læti gladio subiistis. Amem æterna præ his, quæ

quæ ad mortem stulta corda invitant; timeam æterna præ his, quæ hîc terrent: & ita ad mortem felicem, ad vitam felicem inviter. Amen.

S. Lucilliane, post ignes cruci affixe.

Sancti quatuor pueri, Claudi, Hypati, Paule, & Dionysi, qui cum Lucilliano in fornacem injecti, sed flammâ imbre extinctâ, vos gladio obruncati estis.

S. Paula Virgo, dum dictorum Martyrum sanguinem piè colligeres, comprehensa, virgis cæsa, igni injecta, sed illæsa, tandem decollata.

B. Isaac, gladio M.

S. Davine Conf.

S. Cæcili Presb. per quem S. Cyprianus ad Christum reductus est.

S. Lipharde, qui orando serpentem immanem crepare fecisti; & magnus vitæ spiritualis Magister, ante mortem, beatum esse dixisti, qui suffert tentationem; quoniam cum probatus fuerit, accipiet coronam vitæ.

S. Oliva Virgo, quæ angelum satanæ, qui te colaphizabat, pectore ferreis aculeis confixo, viciisti; ac postea, cælis tibi apertis, pro-

promicantes indè splendores vidisti; auditâ denique Christi voce: *Surge, propera, amica mea!* in familiaritatem tibi ecstasim abrepta, visâ iterum luce glorię, in illam ingressa es.

S. Crotildis Regina, cujus precibus vir tuus, Clodovæus Rex, ad Christum conversus est.

OMNES SANCTI, &c.

pag. 320.

S. MARIA, *qua scriptis, hoc die, ad Messanenſes literis, benedictionem illis dedisti, & protectionem perpetuam promisisti. Benedic, & protege me semper; ut sim viva epistola Dei mei! Sim epistola tua, sim civitas tua. Exaudi me, Domina, hac petentem; quia Messanenſis tua, à S. Lucâ picta, ac à literis dicta, imaginis vetusta è Græco inscriptio est: Mater Dei, velox ad audiendum!*

4 Junii. Prid. Non. Junii.

S. Sancte Quirine Episc. cujus carcerem cælesti fulgore illustravit Deus: qui deinde, Deum è corde tuo nullis eximendum suppliciis, confessus, ab eodem te didicisse dixisti, mortem pro immortalitate contemnere; qui cùm fustibus cædereris, negabas te dolorem ullum sentire;

sentire; & *Verè, ajebas, modo sacerdotio fungor, si me ipsum Deo vivo sacrificium obtulero.* qui in primam Pannoniam ductus, ad Præsidentem Amantium, cum ibi Christianæ fœminæ cibum tibi potumque offerrent, & tu ab iis oblata benediceres, catenæ de tuis pedibus ac manibus ceciderunt; tu verò, sumpto cibo, *Sabariam* es perductus, ubi ligato ad collum saxo molari, in flumen datus es præceps. Ora pro me, ut me sacrificem Deo meo vivo & vero. Ora, ut nulla creatura è corde meo eximat Deum! ut propter Deum, & vitâ, & morte contentus, ita moriar, ut in moriente corde meo se inveniatur Deus meus, & se cor meum in Deo meo inveniat, in æternitate meâ. Amen.

SS. Arëti, & Daciane, Martyres.

S. Clatee Ep. M.

S. Rutili, & socii, in Pannoniâ MM.

S. Saturnina V. M. quæ rescissum tuum caput manibus portasti.

Sancti Metrophanes, Opatre, Alexander, Episcopi.

S. Benedicte Patriarcha, cui oranti hoc die Angelus de felici filiorum tuorum vitâ & morte, Dei nomine, mira & magna promissit.

S. Gual-

S. Gualteri, cum stellâ in humero
 nate; qui cælesti voce monitus, pa-
 rentes fugisti, eosdémque ad tui
 hostea imitationem traxisti.

OMNES SANCTI, &c.

ag. 320.

S. MARIA, *cujus hodie, & cras,*
festum de Victoriâ celebratur. Vince
me; ut vincam me, & triumphes in
me!

5 Junii. Nonis Junii.

S. Anctæ Bonifaci M. qui post tur-
 pes, cum Aglaide dominâ tuâ,
 vite ac nobili, amores, ab eâdem
 castè ac religiosè sapere didicisti; &
 eâdem, ad colligendas Marty-
 rum reliquias, missus, illorum ex-
 emplis accensus, ideóque tentus,
 cum de nomine interrogareris, re-
 spondisti: *Primum mihi nomen, &*
no maximè vocari gaudeo, est, Chri-
stianus. Tum præcepit suspensus,
 carne ad ossa usque laceratâ, de-
 tris sub unguibus arundinibus cru-
 ciatum, oculos defigebas in cælum.
 Deinde fervente plumbo tibi in os
 effuso, in bullientis picis lebate ab
 angelo conservatus illæsus, aliis,
 qui adstabant, effuso divinitus indè
 igne correptis, capite truncatus fu-
 disti

490 ANNI CÆLESTIS
disti sanguinem lacte mixtum. cu-
jus corpori, cum reportaretur, ob-
via iuit cum Clero Aglais, iam
antea monita ab Angelo, sic lo-
quente: Suscipe eum, qui aliquan-
do quidem fuit tuus famulus, nunc
autem est frater noster & commi-
nister, ac tuus dominus: & eum *pro*
honora; ut sit tua servator animæ, &
custos vitæ. Ora pro me, ut Chri-
stiani nomen impleam virtutibus;
ut serio deseram, quicquid non
bene amo: in hora vero mortis mea
(una cum S. Aglaide, vitæ castis-
simæ asperitate, eleemosynis, pul-
sis dæmonibus, gloriosâ) sis meæ
servator animæ, & custos vitæ æ-
ternæ. Amen.

S. Bonifaci Archiep. Apostolice,
quem in cælesti luce spectabilis S.
Michaël Archangelus, ad illa, quæ
pro Dei gloriâ gloriosè agebas, au-
genda animavit; cui avis piscem at-
tulit pro annonâ; cuius, ab apostu-
tis trucidati, pretiosam fuisse mor-
tem, per miracula, ostendit Deus.
Anima me, ô Sancte mi, una cum S.
Michaële Archangelo, morientium
advocato; ut me tunc, in ultimis
vitæ hujus tenebris jacentem, cæ-
lesti luce per illum perfundat, &
in æternæ lucis patriam inducat
Deus. Amen.

Sancti Marciane, Nicanor, Apolloni, & alii Martyres.

SS. Florenti, Juliane, Cyriace, Marcelline, & Faustine, capite cæsi.

Sanctæ Zenaides, Cyria, Valeria, & Marcia, quæ, per multa tormenta, gaudentes ad martyrium pervenistis.

S. Dorothee Presb. anno ætatis centesimo septimo Martyr.

S. Eobane, & alii S. Bonifacii locii, Martyres.

S. Sanci, adolescens in aulâ regiâ educate, ex in pretiose pro Christo Martyr.

S. Eustathi Patriarcha, cui structa turpis calumniæ authores Arianiani, à fœminâ, in pœnam fœdimentacii, exitiali morbo correptâ, proditi sunt, ob quam tu exauthortatus innocens exulabas.

OMNES SANCTI, &c.

pag. 320.
S. MARIA, quæ morientis clientis tui animam, tibi, à SS. Michaële, & Joanne Apostolo, unicè commendatam, tuo aspectu recreans, dixisti; te sinè illâ animâ non discessuram. Suscipe me, nunc viventem, postea morientem!

6 Junii.

6 Junii. 8 Idus Junii.

Sancte Norberte Archiep. è vano
 Saulico, asperrimæ vitæ sectator,
 & Præmonstratensium Patriarcha:
 cui, de SSS. Trinitate cogitanti,
 triiceps dæmon te laudans, & se
 Trinitatem divinam esse mentitus,
 agnitus, & pulsus est. cui cum duobus
 novitiis, altero bono, altero tepido,
 iter agenti, vox è cælo venit
 dicens: Hæc est Norberti societas.
 ex his duobus alter non est de societate
 illius: & levis ille ac tepidus
 novitius brevè ad sæculum est reversus.
 cui regulam auream dans S. Augustinus,
 dixit: Sub hac si bene militaverint
 fratres tui, filii mei, adstabunt
 securi in extremo terrore judicii.
 qui filiorum Ordinis tui progressus
 à Crucifixo Jesu didicisti; illos
 MARIÆ consecrasti; ab eadem veste
 candidâ instructus: qui eâ, quâ
 migrasti, horâ, visus es in veste
 candidâ, olivæ ramum manu tenens,
 ac te illum è paradiso habere testatus.
 alii è tuis visus es rotus in lilium
 candidissimum commutari, quod ab
 Angelis cælo illatum est alii apparuisti
 in domo pulcherrimâ & illustri; eumque
 de salute tuâ

tuâ quærentem complexus, in sede
splendidâ tecum sedere iussisti, at-
que dixisti: *Dictum est mihi; Veni re-
quiesce. In pace, & requie sum.* Doce
me sanctis laboribus ad quietem il-
lam contendere; impetra mihi cor
totum candidum, totum lilium
commenda me Christo in Cruce
morienti, & MARIE; ut sim, sicut
oliva fructifera, in domo Dei meis;
ut vivens hoc & moriens cor, inte-
gro conscientia candore, ac pace,
velut lilio & olivâ coronatum, in
paradisum eternitatis in pace trans-
feratur. Amen.

S. Philippe Diacone, unâ cum
quatuor Virginibus, filiabus tuis,
prophetis.

S. Artemi, cum uxore S. Candi-
dâ, & S. Paulinâ filiâ, lapidibus, ru-
deribusque utrâque pro Christo
obrutâ, Martyr, plumbatis cæse, ac
tandem gladio percusse.

S. Paule Archiep. Martyr.

Sancti viginti Martyres, qui Do-
minum, per diversa tormenta, in
corporibus vestris glorificâstis.

SS. Amantî, Alexander, & socii,
MM.

S. Alexander Ep. M.

Sancti Eustorgi, Joannes, Clau-
di, Episcopi.

F f

S. Gudu-

S. Guduvale Episc. qui mari terminos posuisti, ultra quos deinceps illud non exundavit: quo ad Horas canonicas dicente, *Deus, in adiutorium meum intende!* Angeli subjunxerunt: *Domine, ad adjuvandum me festina;* & ita choro alterno totum Officium cum iis explevisti, quo sacrificium celebrante, Angeli ex aperto cælo descenderunt, tecum Deum laudantes. cui, post celebratum Sacrum, Crucifixi imaginem invisenti, Angelus apparuit, teque ad constanter, in fortissimo virtutum certamine, perseverandum hortatus est. cui mare sicco pede calcanti vox è cælo venit: *Constans esto, electe mi; tecum ego sum Deus tuus.* cui, decimo ante mortem die, sacris operanti S. Michael Archangelus, & SS. Petrus ac Paulus Apostoli adfuere, tibi mortis diem prædixere, hortati, ut te, more tuo, ad illum hymnis, jejuniis, precibus præparares. *ita enim, ajebant, obtinebis coronam regni caelestis.* Juva èt me, ac doce, ut ita orem, atque si cum Angelis orarem; ita me morti parem, sicut tu te, per dies illos decem, parâsti.

OMNES SANCTI, &c.

pag. 320.

S. MA-

S. MARIA, qua hodierno tuo Norberto puritatis donum perpetuum impetrasti, & illum candidâ veste donasti: impetra mihi, ut cor mundum creet in me Deus!

7 Junii. 7 Idus Junii.

SANCTE Roberte Abba, qui, ob elemosynam Angelo, sub egeni specie latenti, datam, ab eodem, discipulos tuos omnes, duobus exceptis, cælesti æternitati inscribendos didicisti; dæmonem, fratrum tuorum acta, & orationes explorantem, vidisti; novitium, illius suggestiones non statim repellentem, ab eodem, è medio orantium, furcâ ereptum, in orcum auferri aspexisti: ipse verò mortuus, à tribus Angelis cælo inferri es visus, conspectis tunc, à tuo Confessario, duobus muris, ad cælum usque porrectis, & animâ tuâ, instar globi ignei, colucente, latrantibus contra semper iis, quos semper vincebas, dæmonibus. Latrabunt illi et contra me morientem, ut cælo non inscribar: sed ora, ut canes illi non me mordeant; verum salvus, à bonis Angelis, ad bonam bonorum, & optimi Dei, æternitatem deducar. Amen.

S. Paule Episc. pro fide Catho-
licâ exul strangulate.

S. Lycarion, qui laniatus, & vir-
gis ferreis ignitis cæsus, post alia
tormenta gladio percussus es.

Sancti Petre Presbyter, Wala-
bonse Diacone, Sabiniane, Wifre-
munde, Habenti, Hieremia, Mona-
chi.

OMNES SANCTI, &c.
pag. 320.

S. MARIA, *qua infantem mor-
tuum, tua ara hodie impositum, vita
reddidisti; ut baptizatus, feliciter mor-
reretur. Impetra mihi id, quod mihi
fortè deest, ad mortem felicissimè ob-
eundam!*

8 Junii. 6 Idus Junii.

SANCTE Medarde, egenorum a-
mantissime, contra pluviam ab
aquilâ defense; cui suis facibus
parentans cælum, diduci, pandi-
que visum, & evolans ex ore tuo,
columbæ specie, innocens anima
tua, duabus è cælo columbis comi-
tibus, volavit in cælum. Amen
pauperes, amen, quæso; ut èt me
amet Deus! Aperiam erga illos cor,
ut èt mihi morienti Deus cælum
aperiat; & animam hanc meam, ti-
midæ

midæ columbæ instar, pavidulam,
contra rapaces inferni aves, in æter-
nâ securitate constituat. Amen.

SS. Maximine, & Heracli, Episc.

S. Calliopa, quæ, abscessâ pecto-
ris carne, adusto corpore, super
testulas volutata, capite truncata
es.

S. Gildarde Ep. qui cum S. Me-
dardo, fratre tuo, eodem die nati,
eodem Episcopi consecrati, eodem
die ad æternum diem hinc migrâ-
stis.

Sancti Clodulphæ, & Severine,
Episcopi.

S. Sallustiane.

S. Victorine Eremita, cui dæ-
mon, errantis per desertum fœminæ
specie, fœdè illufit: quare contami-
natam manum in arboris, ferro
apertæ, rimam immisisti, & ibi ita
constrictam, in amarissimâ pœni-
tentiâ, triennio expiâsti; ac tandem
à Deo ad vera verè pœnitentium
gaudia es vocatus.

S. Syria Virgo regia, S. Fiacrii
soror, quæ ad S. Saviniani sepul-
chrum, oculorum lumen recepisti;
atque ibidem, in angusto conclavi,
eiusdem vitæ reliquum confecisti,
asperimè te afflicta; & post mor-
tem miraculis celebris, maximè

mirabili ope illis allatâ, qui acutis-
simis calculi doloribus cruciati, te
implorârunt. Pelle à me dolores il-
los, qui obesse possunt animæ meæ:
juva in iis, qui proderunt.

OMNES SANCTI, &c.
pag. 320.

S. MARIA, *cujus hodie comme-
moratio Constantinopoli celebratur:
quæ S. Theodorum, ad juvandas Joan-
nis Zimisca Imperatoris copias, mittere
es audita, & illi victoriam procurâsti:
mitte omnes Sanctos, & Sanctas Dei,
quorum Regina es, ad me juvandum
in hac vitâ, & morte, quæ est militia
super terram!*

9 Junii. 5 Idus Junii.

SANCTE Ventura, fullo sancte, cui
Crucifixus, è Crucis pulpito,
Vulneribus concionatus est ad cor!
qui visi semel cælestis Agni sæpe
recordatus, suspiciens, & suspirans
in cælum, ajebas: *Ad te levavi oculos
meos, qui habitas in calis!* & stupe-
bas, ad hæc verba, hominum corda
non colliquefcere: fœdas cogita-
tiones, urticis te flagellans, fugâstis
cælo magistro usus, doctorum ma-
gister factus es; & sub mortem,
Christum iterum aspexisti; & nunc
aspicis

aspicis semper ! O persuade Crucifixo Ecclesiastæ tuo, ut èt me ad fervores illos, ad illas cordis in cælum elevationes, accendat & nunc, & tunc vel potissimum, quando ultimum spirabo ; ut *ad se levet animam meam, qui habitat in calis.* Amen.

Sancti Prime, & Feliciane, quos, fractis catenis, Angelus è carcere liberavit ; virgis, plumbatis cruciati.

S. Prime, qui fustibus, equuleo, lampadibus tortus, cantabas lætus : *igne nos examinasti, sicut examinatur argentum ; & Deo Jesu benedicens, agebas, te nil tormentorum sentire : bulliens plumbum illæsus hausisti : & , unà cum Feliciano, à leonibus, ac urfis nil læsus, conversis plurimis, gladio uterque cæsi estis.*

S. Vincenti Levita, M.

S. Pelagia Virgo, admiranda virginittatis Martyr.

Sancti Maximiniane, & Richarde, Episcopi.

S. Columbane, qui aquam in vinum convertisti ; fructus amaræ arboris dulces reddidisti ; mortuum suscitasti ; quem orantem Angeli circumstare sunt visi ; quem aliàs lumen cæleste circumdedit ; à cu-

500 ANNI CÆLESTIS

jus, divina celebrantis, vertice con-
spectus est globus igneus ire in cæ-
lum : cujus animam Angeli cælo
inferentes, voce suavissimâ canere
sunt auditi. Fac, ut quoties oro, id
faciam, tanquam in medio Angelo-
rum, corde perfecto.

S. Juliane Monache.

S. Lupe, quem oblatus à Gratâ fi-
liâ flores, qui divinitus è terrâ, S.
Alexandri sanguine rigatâ, nati
fuerant ; deinde audita ejusdem
Sancti gesta, & accurata lectio
divinorum librorum, cælo lucrata
sunt.

OMNES SANCTI, &c.

pag. 320.

S. MARIA, *qua cum parvulo in
sinu, JESU, fideli cuidam anima ap-
parens, illam ad eum, à quo in spiritu
edoceretur, misisti; sis magistra spiritus
mei!*

10 Junii. 4 Idus Junii.

SANCTA Margarita, purissimi, ac
ad divina tenerrimi, cordis Regi-
na, quæ, in ipso nuptialis tuæ do-
mûs loco, sanctæ Trinitati tem-
plum crexisti ; singulis noctibus de
SSS. Trinitate, de Cruce, de B. Vir-
gine, matutinum, preces pro de-
functis,

functis, & psalmos ubi absolvisti,
 non prius te somno concedebas,
 quam sex pauperum pedes ablue-
 res: quæ manè novem infantulos
 pauperes, flexis genibus, cibo fove-
 bas: quæ interdium, unà cum Rege
 Malcholino, conjuge tuo, cibos
 trecentis pauperibus ministrabas;
 antequam verò ipsa mensæ accum-
 beres, quatuor & viginti pauperes
 reficiebas ministra. Morbis, ac do-
 loribus plena, teneras Deo gratias
 agebas; quòd hìc te potius urat, hìc
 potius secet, quàm post mortem: ac
 tandem, prævisâ morte, migrâsti
 felix; à morte statim, palloris pri-
 stini loco, rubeo candore perfusa.
 Tibi oratio, lectio, misericordia,
 jejunium dies noctesque inchoa-
 vant, finiebant, implebant! ora, ut
 sic ego dies ac noctes meas accom-
 modem diei, non nocti, æternæ;
 ut non in tenebris æternitatis, sed
 in luce miserationum Dei, in sinu
 Patris luminum, Patris misericor-
 diarum, expirans respirem. Amen.

S. Modestine Ep. M. qui æream
 & candentem tunicam, quam ge-
 stabas, & alia tormenta, tibi refri-
 gerio esse dicebas; qui Angelis &
 teris familiariter usus, ab Angelo,
 ut Jovis idolum everteret, impe-
 trâsti.
 S. Getu-

S. Getuli , qui cum fratre suo Amantio, & Cæreale, ac Primitivo sociis, igni injectus, & illæsus, agensque gratias, fustibus necatus es.

Sancti Basilides, & alii viginti duo Martyres, qui Christum, & Angelos, in navi, vectores ante mortem habuistis.

S. Zacharia M.

S. Timothee Ep. M.

SS. Crispule, & Restitute, MM.

Sancti Aresi, Rogate, & alii quindecim Martyres.

S. Maurine Abba M.

S. Alexander, qui S. Antoninam Virginem, ex infami loco, ut liberares, tuam illam in veste dimisisti, ejus loco ipse mansisti; postea, una cum illa, præcis manuum ac pedum extremis, per horrenda supplicia, glorioso martyrio perfunctus.

SS. Asteri, & Censuri, Episc.

S. Oliva Virgo, anno ætatis decimotertio, pro Christo captiva; quam in carcere Angelus allocutionibus epulisque refecit: quæ post flagra, & equuleum, in ferventis olei dolio canebas hilaris laudes Deo. quæ Christi fidem aliquibus per miracula persuasisti; quæ fla-

gris caesa, & in silvas missa, ibi, septennio, cum feris, tibi mansue-
tis, habitasti; juvenes plures Chri-
sto lucrata, Martyres praemisisti; ac
 tandem, gladio Martyr cecidisti: &
 anima tua, candida instar colum-
 ba, egredi est visa e corpore crucia-
 to.

OMNES SANCTI, &c.

pag. 320.
S. MARIA, quam, una cum SSS.
Trinitate, nocturno Officio honorabat
S. Margarita Regina, singulis noctibus
ca de caussa somnum interrumpens:
imprime cordi meo tenerrimum, ac
perpetuum cultum SSS. Trinitatis!

II Junii. 3 Idus Junii.

SANCTE Barnaba Apostole, vir bo-
ne, & plene Spiritu sancto & fide,
Pauli socie; qui cum Christum, ac
aeternas poenas, aeternam gloriam,
praedicares, lapidibus impetitus,
flammis injectus, post mortem non
semel caelesti splendore amictus ap-
paruisti; curationum gratia tantus,
ut locus ille, ubi conditus jacebas,
sanitatis locus fuerit nuncupatus.
Habe et mei curam, cum in ultima
infirmi-
tatis meae loco decumbam;
ut inde non ad eum locum descen-
dam,

dam, ubi omnibus omnium infirmitatum tormentis majores sunt, æternique dolores; verum ad amoenissimum æternæ sanitatis locum ascendam. Amen.

Sancti Felix, & Fortunate, fratres, equuleo suspensi, atque ardentibus lampadibus ad latera admotis, mox divinâ virtute extinctis, ferventi oleo perfusi, & capite truncati.

S. Parisi, jejuniis, oratione, mortificationibus, & miraculis celebris; Deo sacrarum Virginum magister sancte, centesimo decimo sexto ætatis anno extincte.

B. Joannes Sahaguntine, inter sacrificandum in altum elevari viscerum Ecclesiastes puritatis.

S. Petre Cælestine, qui xi & xii Junii, splendens in gloriâ, supra divinæ Matris templum, Aquilana urbi benedicere conspectus es.

S. Gregori Nazianzene, hodie translate.

OMNES SANCTI, &c.

pag. 320.

S. MARIA, cujus openatus, religioni addictus, & hodie, te morientem consolante, mortuus est B. Joannes à S. Facundo, felicissimus cliens tuus; para me morti sancta illo modo, quem optimum esse nôsti!

12 Junii.

12 Junii. Pridie Id. Junii.

Sancte Onuphri, qui plus quam
 quinquaginta annis, nullo ferè
 mortalium viso, in antro latuisti;
 cui palma ante fores cibum, aquam
 Angelus ministrabat; cui octavo
 quoque die Jesus, in pane Angelo-
 rum absconditus, pompâ Angeli-
 câ est allatus, pro tuæ nutrimento
 virtutis; quem moriturum Paph-
 nutius invisit, mortuo verò lætas
 Angeli exequias cecinerunt. Sancte
 senex, qui præ Deo planè omnia
 contempstisti; ora altissimum De-
 um, ut altissimâ quâdam æstima-
 tione magis æstimem æterna illa
 & bona, & mala, præ his bonis &
 malis, quæ brevia sunt, non æterna;
 sequar alta, ac æterna, maximâque,
 ac prima æternitatis principia, &
 ex illis feliciter vitam concludam!
 Amen.

Sancti Basilides, Cyrine, Nabor,
 & Nazari, milites, illustri sanguine,
 militiâ, martyrio nobilissimi; qui
 cælesti luce in carcerem delapsâ,
 Marcellinum, aliósque ad Chri-
 stum convertistis; & scorpionibus
 cæsi, securi tandem percussi
 estis.

Gg

S. Anto-

S. Antonina, fustibus, equuleo,
flammis, gladio Martyr.

S. Olympi Ep. pro fide Catholica
exul.

S. Odulphe Presb. zelo, & mira-
culis laudatissime.

S. Amphion Ep.

OMNES SANCTI, &c.

pag. 320.

S. MARIA, *qua hodie sub tuo pallio
illos, qui tibi commendati fuerunt, ostendisti: tege me auxilio tuo, potentissima Domina: doce, sub tuum praesidium benè semper confugere, ne per-eam!*

13 Junii Idibus Junii.

SANCTE Ferdinande, seu, S. Antoni de Paduâ, ob memoriam, ac eloquentiam à summo Pontifice, *Arca testamenti*, vocate; qui praefocaret conantem dæmonem, solo MARIE nomine fugâsti; qui mortui avari damnati divitis cor, non in pectore, sed in cistâ illius, esse demonstrâsti; quando cor ejus, non in corpore, sed inter ejus olim nummos, repertum est. qui ab Angelo, Paduâ Ulyssipponem, divinitus portatus, ibi occisum puerum interrogâsti, nùm à tuis parentibus fuisset occisus?

sus? & ille respondit, illos suæ necis
 conscios non fuisse. ita tuos paren-
 tes à calumniâ, vinculis, & periculo
 liberâsti; ac vi divinâ Paduam es
 reductus, in toto illo utroque iti-
 nere atque negotio, non nisi unâ
 die ac nocte consumptis. qui noctu
 in diversorio orans, parvulum JE-
 SUM super librum habere conspectus
 es. qui hoc die, anno 1231, moriens,
O gloriosa Domina! cecinisti, & dixi-
 sti: *Video Dominum meum.* ac anno
 1232, die Pentecostes, in Sancto-
 rum catalogum à Gregorio IX ritè
 relatus es, campanis Ulyssipponæ, in
 tuâ patriâ, ultrò eo die sonantibus;
 post mortem à Deo plurimis mira-
 culis honoratus, maximè in iis re-
 perendis, quæ sunt amissâ. cujus
 linguam, post plus quàm triginta
 à morte annos, adhuc integram, ex-
 osculatus S. Bonaventura, flevit, &
 dixit: *O beata lingua, quæ semper
 laudâsti Deum, & fecisti, ut etiam
 ab aliis laudaretur!* Esto tu linguæ
 meæ Seraphinus: tange illam, pur-
 ga, & accende ad ignitum de Deo
 eloquium vehementer, carbone a-
 moris Dei. Doceme JESUM in libris
 quærere, ac invenire in celo. Effice
 apud JESUM, & MARIAM, ut MARIA
 à me dæmonem, præfocare me æ-

ternum conantem, fuget; ut Jesus morienti, unâ cum illâ, mihi benignus assistat. Amen.

S. Felicula Virgo, quæ, ne Christiana Virgo esse desineres, post carcerem tenebricosum, longamque inedia, in equuleo, usque dum expirares, torta, dicebas: *En Christum Sponsum video, qui tanta pro me passus sustinuit; & postea in cloacam projecta es.*

SS. Fortunate, & Luciane, MM.

S. Aquilina duodecennis virguncula, quæ, per colloquia, Christum virginibus & matronis ardentem suadens, colaphis cæsa, distenta, & exultans verberata, aures, & caput subulis, ac ferro candente usta, ab Angelo restituta; prius, quam cervicem teneram gladio feriret carnifex, innocentissimam animam exhalasti; ac præciso deinde capite, loco sanguinis, virgineum lac fudisti.

S. Peregrine Episc. quem cum carnifex capite plectere planè non posset, in fluvium, unâ cum saxo, abjectus, unâ cum saxo mortuus emerfisti; cuius exequias Deus cælesti lumine illustravit.

S. Fandila Presb. Martyr.

S. Triphylli Episc.

OMNES

pag. 320.

S. MARIA, qua à Sancto tuo Antonio, per Hymnum illum, O gloriosa Domina, invocata, demonem fugasti, & eidem hodie, in horâ mortis, adfuisisti. O gloriosa Domina, fuga à me, quicquid, in horâ mortis, Deo displicere potest in me!

14 Junii. 18 Kal. Julii.

S. Sancte Basili, quem, in columnæ igneæ specie, vidit S. Ephræm; de quo in exilium ejiciendo decretum scripturi Valentis sella contracta, tribus calamis atramentum negantibus, dextra dissolutis nervis tota contremuit; qui virginitatem tuam orationibus, jejuniis, ac studiis custoditam, illibatam tumulto intulisti. Illucesce mihi sub vesperum, ac tenebras mortis meæ, ô columna ignea; & me ex hoc deserto feliciter eductum, deduc saluum in terram, imò in cælum, promissionis. Amen.

S. Elisæe Propheta, cujus sepulchrum dæmones perhorrescunt.

S. Marciane, S. Petri missu, prime Syracusarum Episcopo; ob fugatos ex antris dæmones, ob S. Paulum

510 ANNI CÆLESTIS

Apostolum hospitio acceptum, & plurimos ad Christum converfos, illustris; à Judæis laqueo præfocatus Martyr.

Sancti Anastasi, Felix, & Digna Virgo, Martyres.

SS. Rufine, & Valeri, Martyres, Romani nobiles, quibus in ergastulo Angelus duas pretiosas coronas paratas ostendit.

S. Digna V. M. cui per quietem rosas, & lilia ostendens S. Agatha V. M. te ad agendum, & patiendum fortiter, est exhortata.

Sancti Methodi, Ætheri, & Quinctiane, Episcopi.

S. Hartuvise Archiep. inæstorum omnium consolator.

OMNES SANCTI, &c.
pag. 320.

S. MARIA, *cujus ope, ac jussu, orante, coram tuâ imagine, S. Basilio, Julianus apostata trucidatus est. Occide in me, quicquid malè vivit in me; ut vivam tibi!*

15 Junii. 17 Kal. Julii.

SANCTE Landeline, quem è juvene Angelico impium, & ferè diabolicum, fecit mala societas: sed postea, ubi morientem è sociis unum

unum à dæmonibus ad æternitatem inferni auferri vidisti, & ab Angelo custode tuo multa, de prava malorum conversatione cavendâ, multa de Beatorum, ac damnatorum æternâ societate audisti, ad mentem iterum, ad Deum, ac poenitentiam, rediisti; **MARIÆ** amore magno, peregrinationibus, oratione, miraculis, ac sanctitate ubique maximus; cilicioque, ac cineri ultimum indormiens in Domino; post mortem etiam à Deo miraculis & gloriâ, ab hominibus lacrymis, laudatus es. Sanctemi! ora, & effice, ut nulla ullius amem colloquia, nullum socium, qui me ad infelicissimam damnatorum societatem abducat, inimicus æternum futurus; sed illos amem socios, qui me ad æternam Beatorum societatem felici morte adeundam juvent, & unâ mecum, in illâ gaudeant fideles æternum amici. Amen.

S. Vite puer, ab aquilâ paste, in clibano plumbo, refinâ, & pice ferventi, Angeli operâ, illæse; cum SS. Modesto, & Crescentiâ, in catastâ torte; Angelis comitibus aliò abducte; per multa miracula, & tormenta, Martyr.

S. Hefychi miles, M.

Sancta Benildes M.

Sancte Dula, virgis, craticulâ,
ferventi oleo, felix Martyr.

Sanctæ Libya, & Leonides, so-
rores, & S. Eutropia, duodecim
annorum puella, per diversa tor-
menta, Martyres.

S. Abraham, inter tormenta ex-
ultans, ab Angelo liberate; qui
orando, dæmoniacos, ægros diver-
sos curâsti, vinum mirabiliter auxi-
sti; post mortem etiam patronus
ægrorum.

S. Febronia V. M. quæ è cœnobio
extracta, igne ad viscera ipsa ad-
moto, pectinibus cruciata, & sus-
penâ, fortissimo silentio, vel ora-
tione, mirabilis persististi. Tum
tibi septemdecim dentes evulsi, &
abscissæ de toto pectore carnis lo-
co, admotus ignis; deinde pedes
ambo, ac manus, denique caput ab-
scissum est, multis tanto spectaculo
ad Christum conversis: quæ cum
festum tuum celebraretur, sæpè
noctu, stans in medio, inter orantes
conspicua es. Adesto et mihi oran-
ti, ut benè orem.

OMNES SANCTI, &c.

pag. 320.

S. MARIA, *cujus titulo insignis*

hic

XVI JUNII. 513

*hic etiam dies Constantinopoli, dicitur
Congregatio Beatissimæ Virginis
MARIÆ; quam hodierna Reparata,
inter Salve Regina canentes, sæpè vi-
dit: orapro me, ut benè orem ubique,
ac semper: ut sim dignus Congregatio-
ne tuâ in calo!*

16 Junii. 16 Kal. Julii.

SAncta Lutgardis Virgo, cui duo-
decim annos natæ, & cum quo-
dam juvene, incautâ simplicitate,
collocutæ, Christus lateris sui
hians Vulnus ostendit, ac dixit, ut,
amore alio posthabito, ibi quære-
tes, quod amares; quare juveni, ad te
reverso, dixisti: *Discede à me, pabu-
lum mortis*; quia jam ab alio ama-
tore præventa sum! quam contra
respectus humanos, & contra tepo-
rem, quem timebas, muniens Dei
Mater dixit: Non sic erit, ut tu ti-
mes. Meâ te sollicitudine protegen-
te, firmaberis in salutem: nec mi-
nuetur in te virtus & gratia; sed
cumulabitur. cui cor suum dedit
Christus, tuo ablato. quæ noctu
infirmâ, & divinitus jussâ surgere
ad preces, obedivisti, atque Cruci-
fixum obvium illic habuisti, qui
brachio & amplexu te, ad biben-

G g s dum

dum lateris Vulnus, cordi admo-
 cui de S. Joanne Evangelistâ medi-
 tanti, Apostolus ille apparuit in
 aquilæ, sparso per orbem pennarum
 nitore illustris; unde tu admirabile
 de divinis lumen haufisti. cui in
 difficili quadam obediendi occa-
 sione, Christus dixit : *Volo ut car-
 nis feceris, ego te deseram.* cui De-
 para se pro scuto fore promisit
 Christus Vulnera sua ad te clamare
 dixit, ut pro peccatoribus orares
 quæ animam quandam, quam in
 purgatorio liberâras, vidisti: quæ
 à moniali quadam illudentem, ab
 aliâ lascivum dæmonem, pepulisti
 è cuius orantis ore visa est flamma
 in cælum ascendere: cuius pro pec-
 catoribus flentis lacrymas Christus
 laudavit, atque absterxit: quæ lon-
 gam undecim annorum cæcitatem
 suavem habuisti, ob beatissimam
 Virginem, & Sanctos, qui te, extrin-
 sis quatuor annis, ferè quotidie
 invisabant: quam S. Maria de Oe-
 gnies è cælo hortata est, ut orares
 pro quodam, in mortis articulo la-
 borante. quæ, ob monialium in-
 precibus persolvendis negligenti-
 tiam, pestem, postea coortam, extir-
 dixisti; cùmque illæ orarent atten-
 tius, pestis cessavit; id quod pat-
 dixisti

dix
 San
 mo
 app
 gat
 è lu
 dux
 Chu
 nec
 hic
 cui
 min
 est l
 dunt
 vios
 RIA
 ut a
 me
 dum
 RIA
 gnū
 S
 te ca
 S
 dio
 pat
 cul
 bus
 dæ,
 nan
 Urb

dixeras. quam sabbato morientem
Sancti, & aliquæ moniales, ante te
mortuæ, invisere: & post mortem
apparuiſti glorioſa, teque ſine pur-
gatorio in cælum abiſſe, ac plures
è luſtrali illo carcere animas tecum
duxiſſe dixiſti; quippe quæ cæca, à
Chriſto audieras, te ſic purgatorii
pœnas redimere; & amicos, quos
hic videre optares, viſuram in cælo:
cui è cælo dictum; *Propediem à Do-
mino coronaberis*: & à Chriſto; *Propè
eſt laborum tuorum ſinis, neque te
diutius à me ſepararè patiâr*: quæ ob-
vios tibi morienti JESUM & MA-
RIAM vidisti! O felix mors! Ora,
ut ad illam ita cor diſponam, ut nil
me delectet, niſi quod eſt ſecun-
dum cor JESU; ut Crucifixi, ac MA-
RIÆ amantiffimus, illos ad ma-
gnū illud iter duces habeam Amen.

S. Benno Ep. qui, poſt mortem,
te cæli gloriâ frui dixiſti.

Sancti Ferreole, & Ferrutio, gla-
dio Martyres, Veſontionenſis Urbis
patroni; utpote cui ſi quod peri-
culum immineret, in ejus mœni-
bus, duæ faces ardentes, ac ſplendi-
dæ, circumeuntes, ac omnia illumi-
nantes, ſint viſæ, indices veſtri erga
Urbem clientem præſidii.

G g 6

S. Quirice,

S. Quirice, triennis parvule, et
gradus tribunalis pro Christo
life.

S. Julitta, S. Quirici mater, post
verbera, & alia tormenta, capitis
obtruncatione Martyr.

Sancti Auree, & Justina foras,
aliique Martyres.

S. Tycho Ep. qui à patre, et
panes vendendos, missus, illos pan-
peribus dedisti, teque illos Deo de-
disse, ac syngrapham habere, dixisti
granariis tritico mox refertis; qui
aridum, quem depanxeras, videri
furculum radices egisse, & maturum
hoc die botros tulisse vidisti.

B. Aureliane Ep.

S. Similiane Episcopo.

S. Gebharde Archiep. pro Eccle-
siâ magnanime, multa pro Deo
passe.

OMNES SANCTI, &
pag. 320.

S. MARIA, qua hodierna Lu-
gardi, ad sanctissimam Eucharistiam
accedenti, ductrix, & comes, unâ cum
S. Joanne Baptistâ, & Angelis ad-
fuiſti: doce me, Domina, caelestes morti-
dum divina illi mensa accumbo!

17 Junii. 15 Kal. Julii.

SANCTE Raineri, cui peccatum quodpiam in confessione tacere cogitanti, Angelus, ut integrè sanctèque confitereris, persuasit; & præ verecundiâ tacenti, dixit: *Raineri, peccatum tacuisti*; cui ereptos, per pœnitentiâ lacrymas, oculos, per miraculum reddidit Deus; qui divitias, & luxum, fœdissimi odoris esse didicisti à Christo; & postea pauper peregrinus factus, JESUM & MARIAM sæpè hospites habuisti; & nunc in mensâ cœlesti æternùm cum illis non hospes, sed domesticus es. Ora, ut ita sanctè, ita crebrò, confessiones meas, dolore, ac proposito solido animatas (non per superficiem tantùm) institutam, quasi jam moriturus; ita in cibo, potu, ac ubique me habeam, tanquam coram JESU! Fœteat mihi, quicquid displicet Deo! & fœtente jam in sepulchro meo corpore, in odorem unguentorum suorum trahat, & in odorem suavitatis, ac holocaustum amoris, suscipiat animam meam Deus. Amen.

SS. ducenti sexaginta duo MM.

S. Montane miles, Martyr.

Gg 7

S. Hi-

518 ANNI CÆLESTIS

S. Himeri Episcopo.

Sancti Nicander, & Marcianus,
capite cæsi Martyres.

Sancti Manuel, Sabel, & Ismael
Legati, Martyres.

Sancti Isaure, Innocenti, Felix,
Hieremia, & Peregrine, variè torti,
capite obruncati.

S. Gundulpho Episcopo.

S. Hypati Confessor.

S. Avite, cælesti splendore inter
nascendum corusce, vitæ austere-
tate, ac miraculis gloriose.

S. Bessarion Anachoreta, inedia,
frigoris, egestatis patientissime, ac
semper ex æternorum spæ excellen-
tissime; qui, totis quadraginta
diebus, inter spinas, persististi im-
motus; per annos autem totidem
nunquam cubans dormivisti.

S. Antidi Ep. M. cujus amputa-
tum pro Christo caput, Dei laudes
auditum est mirabiliter cecinisse.

S. Heruæ, cui mortem prædixit
Angelus, & morientem harmonia
cælestis honoravit.

OMNES SANCTI, &c.

pag. 320.

S. MARIA, quæ hodierno Rain-
erio, pro peccatorum veniâ impetra-
dâ supplici, cum Sanctis, apparuisti &
dixisti: Raineri, fili mi, in meo sinu
quæ

quiesces. *Peto idem, quod ille, Domina: da mihi, quod illi!*

18 Junii. 14 Kal. Julii.

SAncte Leonti M. cujus Deum,
Angelo docente, Hypatius Tri-
bunus, ter hisce verbis inclamans,
Tu, qui S. Leontii Deus es, mihi, quaeso,
auxilium feras! repente sanus factus
est: qui fuis precibus Theodulum,
ac Tribunum, nube aquæ lucidâ
illos illuminante, convertisti: con-
verte me seridò: impetra mihi lu-
men, quo perfundar totus, nunc,
& in morte: pro quâ feliciter ob-
eundâ, *tu, qui S. Leontii Deus es, mihi,*
quaeso, auxilium feras! Amen.

Sancti Marce, & Marcelliane,
fratres, qui ad stipitem alligati, ac
in pedibus clavis confixi, cum
Christum cantando laudare non
cessaretis, & nunquam vos tam ju-
cundè epulatos, ac in amore Christi
fixos, diceretis, lanceis per latera
transfixi estis.

Sancti Cyriace, & Paula Virgo,
lapidati.

S. Ætheri Martyr, post ignes, &
alia, gladio cæse.

S. Marina Virgo.

S. Amande Episc.

S. Eli-

S. Elisabeth Virgo.

S. Auberte Ep. Archangelo Michaële familiariter use; ab eodem templum ejusdem nomine construere jussit; eodemque duce, morte beatissimâ immortalitatem adeptus.

S. Calogere senex, qui quoad vixisti, totâ hebdomadâ, excepto tantum die Dominico, jejunasti, non nisi pane & aquâ refectus: & *divino amore incensus* mira in Siciliâ divinitus vidisti atque patrasti. cujus corpus exanime, genibus complicatis, erectâ cervice, extensisque in altum manibus, est repertum.

OMNES SANCTI, &c.

pag. 320.

S. MARIA, qua cuidam te, pro felici morte, precanti, dixisti, te curaturam, ut illius mors non solum sit, ut hominis Christiani, sed etiam, sicut Sancti: impetra mihi mortem, qua sit sicut hominis Christiani verè, & verè MARIANI!

19 Junii. 13 Kal. Julii.

BEATA Juliana Virgo, MARIA à cunctis devotissima; quæ, quot hebdomadis, quartâ & sextâ feriâ nihil, sabbato verò panem tantum &

& aquam, in cibum & potum ad-
mittebas; cui pleni semper tenerri-
marum lacrymarum oculi, plenum
ignis sancti cor; quæ sacratissimo
viatico cum ob languentem stoma-
chum refici non posses, per mira-
culum refecta, blandè ridens ob-
dormisti in Domino, & expressam
Crucifixi in pectore imaginem re-
liquisti. Impetra cordi, ac oculis
meis lacrymas salutares; impetra
Crucifixum JESUM pectori huic
duro: ut doleam nunc omnia mea,
& omnia omnium creaturarum
contra Deum facta mala; gaudeam
de meis, & omnibus omnium
creaturarum pro Deo factis bonis;
ut æternum videam æterna bona
mea, & gaudeam de Dei, & o-
mnium Sanctorum æternis bonis.
Nemihi, quæso, ullum gaudium
temporis eiipiat blandos risus
mortis, & gaudium æternitatis.
Amen.

Sancti Gervasi, & Protasi, San-
ctorum Vitalis, & Valeriæ Marty-
rum filii, Martyres; qui sparsis
in pauperes omnibus, servis liber-
tate donatis, tu, Gervasi, plumbatis
ad mortem usque cæsus es; tu verò,
Protasi, fustibus percussus, capite
truncatus es.

SS. Ursi-

522 ANNI CÆLESTIS

SS. Ursicine, & Zofime, MM.
post acerbos cruciatus, capite
cæsi.

Sancti Gaudenti Ep. & Culmati
Diacone, Martyres.

S. Bonifaci, è musico tui nomi-
nis, & patroni Martyris gloriâ,
ad martyrium accense Martyr.

S. Romualde, Camaldulensium
Pater sancte, hodie mortue, cujus
cilicio dæmon fugatus est.

B. Michelina, quæ à Cruci-
fixo felicem, & celerem filio tuo
mortem impetrâsti: quæ postea
carnis tuæ hostis, ægrorum ancil-
la, elephantiasis exesi cujusdam
dum ulcera singula exosculareris,
sanâsti.

OMNES SANCTI, &c.
pag. 320.

*S. MARIA, coram cujus altari, &
imagine orans S. Romualdus, corde
toto ad magnam vitæ sanctimoniam
exarsit, lacrymis abundè persusus.
Ora, Domina, ut quoties oro te,
seu Deum per te, semper
melior redam à
te!*

20 Junii.

20 Junii. 12. Kal. Julii.

Sancte Novate Presb. S. Pudensis senatoris Romani filii, S. Timothei, & Sanctarum Pudentiarum, ac Praxedis frater: cujus no-
 aginta sex capitum familia ab Apostolis baptizata, & erudita caelo est. Sancta domus, sancta familia, sancti fratres, ac sorores! Jam estis in domo aeternitatis vestrae. Vestra domus templum facta est; vobis vero caelum jam domus, & templum est. Orate, ut ita in hac mundi domo verber, tanquam in templo Dei; ita hic, usque ad mortem, *benedicam Dominum in omni tempore*, ut post mortem, in domo Dei, *benedicam Dominum in omni aeternitate*. Amen.

S. Silveri Papa, supra omnes humanos respectus, altissimi & constantis animi vir; qui ideò exul, cum pane tribulationis, & aqua angustiae sustentareris, extinctus es post ærumnas, miraculis magnus.

SS. Paule, & Cyriace, MM.

S. Macari Ep. pro fide Catholicam exul.

S. Florentia Virgo, Sanctorum Leandri, & Isidori Episcoporum
 OMNES

524 ANNI CÆLESTIS
OMNES SANCTI, &c.
pag. 320.

S. MARIA, *cujus hodie imago à consolatione, & altera à miraculis dicta, Roma inclaruit: cujus Sponsi Josephi morientis dies ab aliquibus hodie celebratur. Impetra mihi, unâ cum Josepho tuo, hoc miraculum; ut fiam tandem serîo bonus: impetra mihi morienti illam consolationem, quâ tunc maximè indigebo!*

21 Junii. 11 Kal. Julii.

1 **B**eatissimè Aloyfi Gonzaga Marchio, immaculatum, per omnem vitam, absque ullâ lethiferi peccati labe, innocentissimæ virtutis exemplar; adolescentiæ magnæ, ad amorem Dei! qui MARIÆ openatus, illam in singulis scalarum gradibus ad sanctæ tuæ Catharinæ Senensis exemplum, parvulus Angelus salutabas; & sabbatino, crebròque aliàs, jejunio, refectioe tenuissimâ, quotidiano Officio, cilicio, cruentis flagris, calcaribus, catenulis te affligens, colebas; vel ad auditum MARIÆ, aut divini amoris, nomen, in teneras lacrymas fluentibus oculis, ardente vultu accensus: quam, die gloriosæ

iosa illius in cælum assumptionis,
 Madriti, coram eâ, quæ S. MA-
 RIÆ de bono consilio dicitur, ima-
 gine, post sanctissimam Euchari-
 stiam consulens, ex imagine suâ
 loquentem audisti: *Societatem Jesu
 ingredi!* Qui cum divino sacri-
 ficio interesses, in lacrymas affuen-
 tissimè solvebaris: de divinis tunc
 quer colloquens, persæpè auditus
 suspirans dicere: *O Deus! quàm
 vellem scire amare Deum ardore tan-
 to, quanto digna est illa Majestas!*
 Rogatus, cur Marchionis titulos,
 etque desereres? *Volo, ajebas,
 volo mihi coronam in calo acquirere.
 Nimis arduum est, & esse Dominum,
 & salvari. Nemo potest duobus Domi-
 nis servire; Deo, & mundo. Volo se-
 curam reddere salutem meam. Socie-
 tatem ingressus, eam domum san-
 ctæ paupertatis vocabas: in eâ ignito
 illo tuo eloquio vehementer locios
 accendebas: de tractandis sæculi
 negotiis rogatus, respondebas: *E-
 go non sum amplius de hoc mundo. Qui*
 MARIAM, puritatis, & humilita-
 tis tuæ præsidem elegisti: Angelo
 tuo custodi, tanquam cæcum, du-
 cendum te commisisti; cum Sera-
 phinis, aliisque choris Angelicis,
 pro jaculatorio suspirio,
 repe-*

repetens illud : *Sanctus Deus, sanctus fortis, sanctus & immortalis, misere nobis!* qui legendis, & ferè de amore Dei, spiritualibus libris horam tibi quotidie integram præscripsisti : & in divini amoris meditatione, a sensuum usu abstractus, corde toto ad eò palpitabas, ut illud in Deum exultans, videretur velle in cælum è tuo pectore exilire.

¶ quem orantem vix ullæ unquam alienæ cogitationes interpellabant. Qui secundum rationes aternas, & non secundum temporales, agendum agebas; & pro concione docebas, Christum velle docere nos, quomodo debeamus in nobis edificare civitatem amoris Dei. Moriens demum, *Latantes imus*, dicebas, *latantes imus!* Et ivisti eò, ubi te B. Maria Magdalena de Pazzis vidit in gloriâ Sanctorum; & exclamavit : *O quantam gloriam habet Aloysius, filius Ignatii!* Nunquam id credidissem, nisi ostendisset id mihi *JESUS meus*. *Habet gloriam tantam, ob actus internos; & quia obediens erat inspirationibus divinis. O quantum amavit in terris!* ideo fruitur Deo pleno amore in calis; & sagittæ in cor Verbi ab illo vibrata, nunc in corde illius requiescunt. Tuæ quoque Reliquiæ à quo-

quodam fœdas rebellis carnis i-
 mages, morbos ab aliis, dispu-
 ere. sed èt ægro cuidam sapius vi-
 us, ei loquendi facultatem reddi-
 disti; linguâ ejus Cruce signatâ; &
 monuisti, ut linguâ, non nisi ad
 Dei gloriam, uteretur. Postea eun-
 dem a paralyfi curans, dixisti: *Nolo,*
nisi sanctificationem tuam. ero dux
ueneris tui. deinceps ad virtutem con-
tende. Alii quoque opem tuam im-
 ploranti conspectus, eum hortatus
 es, ut pergeret: Sanctos enim gau-
 dere occasione exhibendæ suis cli-
 entibus charitatis; cum in cælo
 nulla suppetat occasio vel humilia
 officia exhibendi, vel corporis af-
 flictandi. O flagrantissime Juvenis,
 sis mihi dux! doce me orare, doce
 amare, doce actus internos Deo
 gratos! doce MARIA consultrice
 uti, ac inspitationes divinas obe-
 dienter sequi! Amen.

S. Demetria V. M.

SS. Rufine, & Martia, MM.

SS. Cyriace, & Apollinaris, MM.

S. Albane, longis laboribus in-
 clyte; qui caput tuum, pro Chri-
 sto, tibi resectum, tuis ipse mani-
 bus ad tumulum deportasti.

S. Eusebi Episc. qui sub habitu
 militari, Episcopatus functus of-
 ficio

ficio incognitus, deinde occubui-
sti Martyr.

S. Terenti Ep. & M.

SS. Urciscene, & Martine, Episc.

S. Leutfride Abba, precibus con-
tra dæmones, ignem, potentum
vexationes, calumnias, morbos
potens; qui è domo quadam om-
nes muscas abesse cum iussisses,
illæ omnes illicò avolavère, nec
ulla istic musca deinceps unquam
comparuit: qui dæmonem, cui
specie personatum, & aliis appa-
rentem, cecidisti flagris: quem ir-
ridens fœmina, quòd calvus esses,
ipsa toto occipite capillos amisit,
ejus posteris eadem pœnâ punitis.
Pelle à me, quicquid mihi, cum
Deo agenti, molestum est: fuga
dæmonem; ne mihi imponat: rege
linguam; ut cum omnibus, & de
omnibus, cum reverentiâ loquar.

S. Hemminge Episc. qui preces
omnes à Beatissimæ Virginis laudi-
bus inchoabas; temporis, verbo-
rum, somni, ciborum parcissimus;
orando demum extinctus.

OMNES SANCTI, &c.
pag. 320.

S. MARIA, boni consilii Mater,
quæ B. Aloysio consilium dedisti, ut
Societatem JESU ingrederetur: esto
con-

*consultrix cordis mei: effice, ut faciam
omnia, & singula, juxta consilium
cordis tui!*

22 Junii. 10 Kal. Julii.

Sancte Pauline Ep. pro unico vi-
duæ pauperis filio, spontè ca-
ptive, & hortulane; qui deinde,
quantus esses, Regi divinitus of-
tensus per quietem, cum Christia-
nis captivis, ac donis, libertati re-
stitutus es: cui triduo ante mortem,
Sancti Martinus, & Januarius M.
cælo spectabiles, te ad eandem
beatitudinem invitabant: quo mo-
tiente, conclave terræ motu con-
cussum est: qui, post mortem, Jo-
anni Episcopo, Angelicâ claritate,
ac cælesti dignitate conspicuus, di-
xisti, ut solveret vincula tædio-
rum suorum, & ad gloriam immor-
talitatis iret. Ora, ne moriens ab-
stipiar in captivitatem æternam!
Offer merita Dei Jesu pro me, &
tua. Solve vincula mortualium tæ-
diorum meorum in tædiis mortis
meæ! & voca me, vindica me, au-
fer me hinc illuc ad liberos Dei!
Amen.

O gloriosa sanctorum decem
millium Martyrum crucifixorum

H h

coro-

330 ANNI CÆLESTIS

corona! quos spinis, flagellis, & aliis suis tormentis cruciatos, innovatis suæ mortis tenebris, aliisque stupendis, honoravit Jesus; & vobis pro iis, qui vos invocaturi olim essent, orantibus, vox è cælo lapsa, vos ad cælum invitavit, ac exauditam esse vestram pro illis orationem, dixit; corpora verò vestra è crucibus Angeli deposuere.

S. Albane, qui pro Clerico hospite, quem susceperas, te- ipsum tradens, post tormenta, capite plexus es Martyr.

Sancte miles, à S. Albano, cum illum ad martyrium duceres, converse, & cum illo Martyr.

O sancti mille quadringenti octoginta Martyres.

S. Nicæa Episcopo.

S. Consortia Virgo.

S. Joannes Ep. à S. Paulino ad cælestia regna vocate.

S. Achatii Dux, magistris Angelis de hoste victor, postea sancte, & unà cum tuis, spinis coronate Martyr.

S. Eberharde Archiep. pacifice; ante cuius mortem gloriosus tibi in cælo thronus paratus est visus.

OMNES SANCTI, &c.

pag. 320.

S. M. 4.

S. MARIA, *qua* S. Eberhardo
Episcopo, *pro tuo nomine liberali, cum*
calice aureo, & liquore caelesti, con-
specta es: ora, ut quidquid offero tibi,
sit pretiosum, ac dulce; & ut illud
corde aureo, ac mundo, non ferreo,
& sordido, offeram!

23 Junii. 9 Kal. Julii.

Beata Maria de Oegnies, cui com-
edenti S. Joannes Evangelis-
ta cum Angelo adfuit; ad quam
supplicabundas è purgatorio ma-
nus tendebant captivæ illi animæ;
quæ flexis centies quotidie genibus
orabas, & trecentis plagis lacera-
bas castissimum corpus; quæ à mo-
tiente fœminâ dæmone pulso, illi
cor pœnitens impetrâsti, aliàs, ob
vestium superbiam, in educendâ
prole negligentiam, & immode-
ratum vini usum, damuandæ in æ-
ternum: quæ ante mortem ad San-
cta sanctorum invitata à Sanctis,
à MARIA visitata es. Adesto tu mihi
comedenti, bibenti, dormienti,
laboranti, oranti, morienti: fac,
ut omnia faciam Dei mei amore.
da, ut corpus meum ita tractem,
ut profit animæ meæ, ac animabus
in purgatorio, à Deo adhuc exuli-
bus.

bus. impetra mihi cor pœnitens,
Deo, Dei Matri, ac Sanctis fami-
liare; ut JESUS, MARIA, Sancti om-
nes, viventem faciant me san-
ctum & morientem deducant ad
Sancta sanctorum. Amen.

S. Joannes Presb. M. decollatè.

S. Agrippina Virgo M.

S. Felix Presb. cujus os tam diù
lapidibus contusum est, donec e-
mitteres spiritum.

Plurimi Sancti hodie lætâ morte
mortui, Martyres.

S. Zeno M. S. Zena serve, qui
Zenonis, domini tui, catenas ex-
osculatus, eum rogâsti, ut te tor-
mentorum suorum habere dignaretur
participem, &, unâ cum illo,
coronatus es Martyr.

S. Ediltrudis Regina Virgo, bis
conjux, quæ ante mortem clarè
cognovisti divinitus, te luis con-
tagione morituram, & plures te-
cum è tuis Virgines ad gloriam abi-
turas.

OMNES SANCTI, &c.

pag. 320.

S. MARIA, quæ morienti tuæ MA-
RIÆ Oegniacensi, & Magnificat
jucundè cantanti, cum Christo, An-
gelis & Apostolis, dulcissimè adfuis-
ti. Adsis mihi nunc, & tunc; ut in ipsâ
morte

*morte meâ, ad majorem Dei gloriam
obitâ, magnificet anima mea Domi-
num!*

24 Junii. 8 Kal. Julii,

SANCTE Joannes Baptista, qui,
necdum natus, à necdum nato,
Deo infante, visitatus, ad MARIÆ
vocem, in gaudio exultâsti; san-
ctificate in utero, nate sinè peccato
ullo! Ora pro me, ut sinè peccato
renascat æternitati. Confige cor
meum! aperi illud Deo! Pone te
illi quasi gladium acutum, & quasi
sagittam electam! & in umbrâ mor-
tis trepidum, unâ cum JESU & MA-
RIA, in umbrâ manus tuæ prote-
geme! Ora JESUM, ut in pharetrâ
suâ abscondat me, dicâtque mihi:
*Servus meus es tu, in te gloriabor; &
glorificer in oculis Domini, & Deus
meus fiat fortitudo mea!* S. Joannes
Baptista, qui sacram Eucharistiam
sumentis hoc die S. Gertrudi, ro-
seis vestibibus ornatus, & pro iis, qui
festum tuum religiosè celebrabant,
orans conspectus es: S. Franciscæ
verò dixisti; eam Deo charam esse:
eandemque, ad cor dilatandum,
adhortatus, docuisti; eos, qui cor-
poris afflicti, & Deo magis pla-

cendi, studium negligunt, sensim
tepscere: illas verò animas, quæ co-
 nantur, cum diligentia, *crescere in*
amore Dei, eique placere, sine ti-
 more humanorum respectuum; so-
 lidas permanere, si Deum *amaret* in
 veritate, prospera illi fore à Deo om-
 nia; nil curaturam injurias. de-
 nique adjecisti: O anima, redde te
 pulchram dulci tuo JESU, qui te
renovavit, & se tibi dedit. fac, ut
ardeas ejus amore nam ipse non vult
 id facere sine te. Alias verò in cam-
 po lucido eam hortatus es, ut amaret
 Deum, ac pro speculo suo confide-
 raret Crucem, & dolores Christi.
 Tum illa in monte Christum Cruci
 affixum vidit, Vulneribus radios
 latè fundentibus; ita ut è capite,
 spinis faucio, radii ad *Seraphinos* &
 Patriarchas porrigerentur; Apo-
 stoli radios haurirent à manuum &
 pedum plagis; Prophetæ ac Evan-
 gelistæ à Vulnere lateris. Tu verò
 illi ajebas voce cor inflammante:
Ama, & dilige tuum Dominum,
 cum doloribus; *ama* cum timore,
ama cum delectatione. *ama* & dili-
 ge illum amorem, qui te perfectè
 dilexit. Ergò toto mentis affectu,
 & cordis puritate amemus istum a-
 morem. quibus dictis, cantus in
 celo

cælo de amore Dei auditus est. Ca-
ne cordi meo hunc amorem, ô vox
clamantis in deserto! fac animam
meam pulchram; ut delectetur in
illâ pulcherrimus Deus meus! A-
men.

Sanctæ primitiæ Martyrum, o-
mnes Sancti, quorum alii ferarum
tergis contecti, laniatibus canum
expositi estis; alii crucibus affixi,
alii incendio traditi, ut in usum
nocturni luminis deserviretis.

Sancti Fauste, & alii viginti tres
Martyres.

Sancti septem fratres milites, O-
renti, Heros, Pharnaci, Firmine,
Firme, Cyriace, & Longine, per
plures ærumnas & dolores, Mar-
tyres.

SS. Agoarde, Agliberte, aliisque
utriusque sexûs innumeri MM.

S. Simplicii Episc. in cujus dor-
mientis pectore agnus immensæ
claritatis quiescere visus est.

S. Theodulphæ Episc.

S. Joannes, monasticæ vitæ lau-
de, & sanctitate insignis.

S. Romula Virgo, cujus agræ
conclave cælesti splendore, ac o-
doribus perfusum fuit; & ante por-
tam tuam, psallentium chori ani-
mam tuam, inter cælestes exequias,

furfum ferre sunt visi.

S. Ivan, Regis Dalmatiæ fili, à
S. Joanne Baptistâ contra dæmo-
nem defenfe, Angelis familiaris,
cælesti ambrosiâ paste.

OMNES SANCTI, &c.
pag. 320.

S. MARIA, qua Joannem, co-
gnata tua filium, necdum natum,
ipsa JESUM Filium tuum gerens in u-
tero, invisisti, & gaudio exultare fe-
cisti. O caussa nostra latitia, sis magi-
stra omnium, qua me delectant; ut
delectem Deum, & delecter in Deo: &
para me latitia immortalis!

S. MARIA, cujus imaginem, cum
suis, aliorumque Sanctorum, reli-
quias, S. Angelo dari, & ab eo in
Italiam transferri jussit hodiernus S.
Joannes Baptista, Athanasio Ale-
xandrino Patriarcha conspectus ipso
die Annuntiationis tua; & imago illa,
à S. Angelo Romam, deinde Panor-
mum, est deportata. Fac, ut discam te
amare, colereque à Sanctis illis, qui
summo erga Deum, & erga te, ama-
bilis Dei Mater, amore, Deo,
ac tibi maximè pla-
cuerunt!

25 Junii

25 Junii. 7 Kal. Julii.

SANCTE Gallicane, cui contra Scythas pugnanti, facto voto, Angelus Crucem prætulit; & vicisti, Angelis cinctus. Redux à victoriâ, postquam Christo dedisti nomen, mundo fecisti sanctum vale, factus pauperum, ac peregrinorum asy- lum, ac servus; mirante mundo! Tandem gladio pro Christo addi- ctus es. Sancte Dux, adesto mihi, mundo ultimum vale dicenti per mortem. Adesto mihi, cum tuis Angelis, & Cruce, signo victoriæ. Nunc magis vota tua Deus audiet, si tunc necdum Christiani audivit. Nemei obliviscere. Pugnabo illuc cum æternarum tenebrarum Rege: ne patere me vinci; ut non victus, & damnandus moriar, sed vincam, & moriar coronandus. Amen.

S. Sospiter, beati Pauli Apo- stoli discipule.

S. Lucia V. M. cum aliis viginti duobus.

S. Febronia V. ob fidem, & pu- dicitiam, virgis cæsa, equuleo tortâ, pectinibus laniata, igne suc- censa, excussis dentibus, pectore lacerato, capitis damnata, Martyr.

S. Eu-

S. Eurosia, regia Virgo M. cui, sub ipso gladio, mortem expectanti, cælestis vox, *Veni*, aiebat, *electa sponsa Christi, accipe coronam, quam tibi Dominus praparavit!* Quotiescunque pro pluviâ, vel contra tempestatem, à Christi fidelibus piè fueris invocata, in tuo nomine ipsorum oratio exaudietur.

S. Antidi Episc. M.

S. Maxime Episc.

S. Prosper Ep. scriptis Catholicis, eleemosynis, miraculis, odore post mortem suavissimo, clarissime.

S. Adelberte, Regis Deiorum fili, charitate, ac humilitate præcellentissime, prophetiâ, & miraculis magne.

S. Guilielme Conf. qui ad obsecna invitatus, super carbones accensos illæsus jacuisti, & invitantem ad saniora consilia convertisti.

OMNES SANCTI, &c.
pag. 320.

S. MARIA, *cui in filium, è Cruce, datus Joannes, hodie mortuus dicitur. Esto mihi, MARIA, Mater! & effice, ut ego vivens, & moriens sim tibi Joannes filius!*

26 Junii. 6 Kal. Julii.

SANCTI Joannes, & Paule, fratres,
 qui cum in impiâ Juliani aulâ
 illius familiares esse nolletis, ne in
 moribus contaminaremini; factâ
 facultatum omnium in pauperes e-
 rogatione, per decem dies vos præ-
 parâstis ad mortem: quorum, clam
 pro Christo occisorum, meritis, &
 gloriâ, ipsi ex energumenis dæmo-
 nes torqueri se fassi, expulsi sunt.
 Orate, ut fugiam et ego, fugiam
 semper, inimicas amicitia Christi
 amicitias: Deum præ omni omni-
 tum, etiam potentium, & amico-
 rum, hominum respectu, habeam
 præ oculis cordis! Abibo è mundo
 semel! amicitia hujus mundi, scio,
 inimica est Deo. Dei ergò potiùs,
 quam ullius mortalium, amicus
 vivam, & moriar. Amen.

S. Vigili Episc. post miracula
 plura, lapidibus obrute M.

SS. Salvi Episc. & Superi, MM.

S. Anthelme Episc.

S. Maxenti Presb. de cujus ma-
 nibus comedebant aves, liberæ ad-
 volantes; cujus orantis cubiculum
 Angeli frequentabant, & luce ma-
 gnâ implebant.

S. Pela-

S. Pelagi, pulcherrime, sed simul pudicissime, adolescens; qui, cum à Rege tangi, & à Christo deficere, nolles; cum frustatim scindereris, de cælo vocem audisti, dicentem: *Veni, accipe coronam, quam tibi ab initio promisi!*

S. David Eremita.

S. Perseveranda Virgo.

B. Rodulphe Episc. magnæ orationis, austeritatis in corpus, & in egenos benignitatis, vir.

S. Venera V. pro puritate Martyr, à fratribus tuis occisa.

OMNES SANCTI, &c.
pag. 320.

S. MARIA, *cujus honori hodiernus S. Anselmus Carthusianus Officium quotidie recitavit, quod Carthusianus persuaserat è cælo S. Petrus Apostolus. Ora pro me, ut ita orem, prout orare me volunt Sancti, & tu ipsa!*

27 Junii. 5 Kal. Julii.

SANCTE Ladislæ, Ungariæ Rex Apostolice, *cujus aulæ familiarum Angelum, tibi, in singulari certamine, strictis gladiis adstitere: qui Geysam fratrem tuum ab iisdem coronari vidisti, & divino monitu, MARIE basilicam erexisti: qui*
orans,

orans, coruscus, & sublimis in
 aëre visus es à terrâ elevatus: qui
 copiosam tuo militi annonam pre-
 cibus impetrâsti; & in ipso terræ
 sanctæ adeundæ, & ab hoste vin-
 dicandæ, apparatu, cælum san-
 ctum ingressus es: cui mortuo, per
 triennium totum, atrata, prohibi-
 tis ludis, parentavit Ungaria; &
 corpus in curru, absque jumentis,
 ad MARIANUM templum Angeli de-
 vexere. O defende me cum Angelis
 illis tuis in ultimo & singulari meo
 certamine! O experiar opem tuam;
 ut vincam in horrendo illo duello
 mortis, ubi mihi pro summâ rei,
 pro æternitate, pugnandum, &
 moriendum, ac vincendum est!
 Amen.

S. Ferdinande Episc. sanctitate,
 literis, miraculis, celebrate.

S. Crescens Episc. M.

S. Zoile M. qui Agapito, devo-
 to tibi Episcopo, qui tuum corpus,
 integrum repertum, piis osculis
 fuerat veneratus, dixisti, omnia il-
 lum, quæ per te à Jesu poposce-
 rat, impetrâsse; & addidisti: *Cer-
 tus esto; quia dimissa sunt tibi peccata
 tua.*

Sancti novemdecim Martyres,
 focii S. Zoili.

I i

S. Ane-

S. Anecte, aliorum ad martyrium hortator; qui idolis oratione prostratis, à decem militibus verberatus, manibus pedibúsq; præcis, capite truncatus es.

S. Sampson Presb. qui hospitalitati sanctæ deditus totus, Imperatorem, solo manûs contactu, sanasti; & post mortem, grande incendium extinguere visus es.

S. Joannes Presb.

S. Paule, qui hoc die S. Franciscam Romanam hortatus es ad amorem SSS. Trinitatis, & illius unitatis, *quæ ignem accendit amoris*; eam attentam esse jubens ad ea, quæ Deus agit: ea enim esse *optimè facta, flammâ amoris*. fac, ut omnia, quæ facio, flamma divini amoris erudiat, ut optimè fiant,

OMNES SANCTI, &c.
pag. 320.

S. MARIA, de cuius templo extruendo cum fratre deliberans S. Ladislaus, vidit cervum, cornibus, ac ardentibus facibus, seu Angelum, alis igneis perillustrem: & postea etiam ab Angelo monitus, ad aureum fluvium, Basilicam Deo, nomine suo insignem, erexit; ac addictissima tibi Dalmatia Croatiaeque regna MARIANA Ungarici tui regni corona adjunxit. Subde,

Do-

Domina, subde faces cordi meo, quibus me, ad amandum in te, honorandumque Deum, accendas. Subvehant tepidum istud cor meum pennis suis igneis Seraphini; ut omnia, quæ scribo, quæ loquor, quæ ago, quæ cogito, ardeant igne illo, quo tu soles tuos accendere, ô Mater pulcherrima dilectionis!

28 Junii. 4 Kal. Julii.

SANCTA Potamiæna, hostium Christianæ virginitatis tuæ, per inaudita tormenta, fortissima triumphatrix; quæ, unâ cum matre, igne consumpta, post mortem, Basilidis, tuæ olim virginitatis custodis, capiti cælestem imposuisti coronam, eumque ad æternitatem beatam invitasti, quam ille, capite pro Christo plexus, ingressus est. Cælestis virago, & beneficii, in terris accepti, etiam in cælis memor! ô, quæso, ora illic pro me; ut pro beneficiis è cælo acceptis, gratus vivam semper, gratus moriar. Tuere me viventem, & morientem, contra hostes omnes in terris; ut æternitate coronatus, æternum Deo, ac tibi, sim gratus in cælis. Amen.

S. Leo secunde, doctissime, &
Ii 2 magna-

magnanime Papa, viduarum, pupillorum, pauperum pater. S. Leo, qui per S. Gertrudem cuidam, pro quo illa orabat, nuntiasti; ut, si in locum quempiam incideret, in quo esset aliqua tentationis occasio, attentè orans diceret; *Fiat, Domine, cor meum, & corpus meum immaculatum!*

S. Irenæe Ep. M. contra hæreticos verbis ac scriptis acerrime.

Sancti Plutarche, Sereni duo, Heraclides, Heron, Rhais, & Marcella, S. Potamiænæ mater, Martyres.

S. Papi, qui flagris cæsus, in lebetem, oleo, & adipe ferventi plenum, injectus, aliâque horrenda passus, cervicem dedisti Martyr.

S. Benigne Episc. Martyr.

S. Argymire Martyr.

S. Paule Papa.

S. Francisca Romana, quæ hoc die, in tuâ vineâ, ex aspectu rivi decurrentis, ad gratiam Dei amorémque cogitandum, abrepta, & absorpta, per plures horas, positis humi genibus, ab omni usu sensuum aliena tacebas! eum verò, rivo se effundente, in medio aquæ esses, indè tamen undequaque sicca exivisti: doce cor meum ex his, quæ video,

video, elevare ad Deum amandum,
atque laudandum.

OMNES SANCTI, &c.

pag. 320.

S. MARIA, qua S. Bertholdo,
unà cum Christo, & S. Petro, appa-
ruisti, & ut Antiochia ab obsidione in-
fidelium liberaretur, hodie impetrâsti.
Libera, Domina, ab omni periculosâ
obsidione, seu tentatione, animam
meam; ne peream!

S. MARIA, cujus Patrocinii fe-
stum, hoc die, anno 1656, ad agen-
das tibi pro beneficiis gratias, in Hispa-
niâ est institutum, Pontifice illud et-
iam Indulgentiis nobilitante, fac ut ita
te colam, ut tota vita mea, sed potissi-
mum extremus vita mea dies, sit fe-
stus patrocinii tui dies.

29 Junii. 3 Kal. Julii.

SANCTI Petre, & Paule, Apostoli
gloriosi, Ecclesiæ beati Princi-
pes, nec in morte separati, con-
juncti in æternitate. S. Petre, per-
petuarum, pro peccato, etsi pro-
pitiato, lacrymarum senex, Cruci-
fixum JESUM secute, usque ad mor-
tem Crucis! qui nocte, hoc tuum
festum præcedente, S. Ignatium
Loyolam, tunc jam Sacramentis
ad mortem munitum, invisisti, &
persanâsti. S. Paule, vas electio-

nis gloriæ Dei, totâ vitâ pro Evangelio Martyr! qui, capite abscisso, lac è collo fudisti; cujus relectum caput, JESUM ter inclamans, tergemino saltu tres fontes divinitus fecit erumpere. Orate, ut, in ultimo vitæ periculo, ne me de æternitate periclitari permittat Deus. Uterque à Deo in aquis servati estis. Uterque morientibus pluribus propitiî adfuiſtis. Adeste mihi in tempestuoso illo portu; ne naufragium faciam, patiarque. Sim æternum sanctus! sim in triumphante æternitatis Ecclesiâ æternum Dei! S. Petre Apostole, cujus epistolas *auro* sibi describi voluit S. Bonifacius Archiepiscopus Moguntinus, S. Ealburgæ ita scribens: *Auro mihi conscribas epistolas Domini mei; S. Petri Apostoli, ad honorem & reverentiam sanctarum Scripturarum: ut èt hûc opera tua, ad gloriam caelestis Patris, aureis literis fulgeant.* Inſcribat, imprimat cordi meo amor Dei typographus, aureo caractere, cum omnia quæ scripsisti, tum extremum illud, *ut crescam in gratiâ, & cognitione Domini nostri, & Salvatoris JESU Christi: ut in me quoque sit ipsi gloria & nunc, & in diem æternitatis.* Amen.

Sancti

Sancti Marcelle, & Anastasi,
Martyres, capite plexi.

S. Syre Episc.

S. Cassi Episc. sanctarum, in quo-
tidiano sacrificio, lacrymarum vir-
tuti cœlitus nuntiatum est: *Age*
quod agis, operare quod operaris; non
cesset pes tuus, non cesset manus tua:
Natali Apostolorum venies ad me, &
retribuam tibi mercedem tuam. Ita
hodie à sacrificio Missæ sanctè per-
fecto, & Corpore Domini distribu-
to, sanctè migrasti.

S. Maria, Sancti Joannis, Marci
dicti, mater.

S. Benedicta Virgo.

Domine Jesu Christe, Magister
cordium, qui hoc, amantium
te, Apostolorum tuorum, die,
S. Gertrudi perenti, quomodo *sum-*
mam dilectionem in opere monstrare
deberet? respondisti: *Pasce cor*
tuum, divinis meditationibus; os
tuum, salutaribus locutionibus;
oculos tuos, sacris lectionibus; au-
res tuas, utilibus admonitionibus;
manus tuas, continuis exercitatio-
nibus. Nam quoties horum uni-
cuique studueris, hoc semper
suscipiam *pro summâ exhibitione di-*
lectionis. Erudiat me ignitum elo-
quium tuum vehementer; ut ve-
hemen-

hementer amem, & corde, ore,
manu, oculis, toto corpore & a-
nimo, summæ dilectionis operibus
me impendam, & superimpendam.

OMNES SANCTI, &c.
pag. 320.

S. MARIA, *cujus Quadragesimam
Marianam S. Franciscus hodie in-
choabat, usque ad festum Assumptio-
nis tua perducendam. Vince, Domina,
gulam meam. Doce me carnem hanc
ad obsequia tua domare, subigere!*

S. MARIA novæ lucis, hoc die,
*Drepani, solenni supplicatione, ubique
per iter in supplices tuos benefica, &
in templo S. Juliani collocata; postea,
caco illuminato, aliisque admirandis,
gloriosa. cuius in sinu sedens latus Par-
vulus, alterâ manu facem accensam
tenet, cordibus accendendis; & in
diademate scriptum gerit: S. MARIA
novæ lucis. Accendat cor meum face
sui amoris Parvulus tuus JESUS, te id
mibi obtinente, ô Virgo potens, apud
Filium omnipotentem: ita eris mihi
Mater novi ignis, novi amoris, novæ
lucis; igne veteri amoris proprii extin-
cto, & novo igne accenso!*

30 Junii. Prid. Kal. Julii.

S. Ancta Erendrudis V. Abbatissa,
magistra virtutis, mater pau-
perum, pedum, ac ulcerum lotrix;

ad

ad mensam plus divinis audiendis colloquiis pasta, quàm cibo; cui, sub mortem, frequens in corde, frequens in ore, illud: *Mihi autem adharere Deo bonum est, ponere in Deo spem meam*: cujus post mortem reliquiæ Henrico Imperatori valetudinem integram reddidère: è cuius hereditate quidpiam occupans, in ipso perjurio, morte horrendâ extinctus est. Misericordissima Virgo, illam mihi divinorum avidam famem, ac sitim; illam Deo adhærendi voluntatem, illam adeò cordatam spem impetra; ut illud *adharere Deo bonum*, sit mihi bonum æternum; neque me à Dei adhæsiōne avellat æternitas. Amen.

SS. Alpiniane, & Austricliniane.

Sancti Cai Presb. & Leo.

S. Basilides Martyr.

S. Lucina, Sanctorum ancilla, & mater, hospitalitatis sanctæ exemplar.

S. Æmiliana Martyr.

S. Ostiane Presb.

S. Theobalde, sanctissime peregrine, qui èt matrem tuam, ad solitudinem pro Christo incolendam, pertraxisti; & novus Job inter dolores antequàm expires, terra motu insolito quinquies concussa est: à mor-

à morte verò, energumenorum, ac ægrorum asylum.

S. Martialis Episc. à quo revocatus ad vitam adolescens, jussus ea, quæ in inferno vidit, narrare, surrexit, & dixit: *Infernus nullam habet mensuram. ibi est fletus, & amaritudo, tenebra, mugitus, planctus, tristitia magna, frigus, & ignis magnus & horribilis, & nunquam deficiens, morsus serpentum, foetor intolerabilis, putredo, miseria, & vermis, qui nunquam moritur. ibi sunt carcerarii infernales, qui animas flagris cruciant. quem morientem vox ad cælos invitans è cælo audita est, Angelis quoque hæc verba canentibus: *Beatus est, Domine, quem elegisti, & assumpsisti; habitabit in tabernaculis tuis in sacula saculorum!* Doce me, ut sciam vivere ab hoc vitæ reddito; & agere omnia è regulâ Æternitatis.*

OMNES. SANCTI, &c.

pag. 320.

S. MARIA, qua hodierno Arnulpho tuo ferè quotidie apparuisti; illum tua in calogaudia docuisti; illi JESUM parvulum porrexisti; ab illo Cordis nomine vocitata. Fac tu, Domina, in me omnia cordis officia: amet cor meum corde tuo Te, JESUM, SSS. Trinitatem, in aeternum! ORA-

ORATIONES JACULATORIÆ,
præcipuè tempore tentationis.

NOlo te offendere; quia amo Te
 super omnia: & ideò doleo su-
 per omnia; quòd Te hæctenus of-
 fenderim, Deus meus, & omnia.

Deus meus, mihi ubique præ-
 sens, & me videns, tuus sum ego:
 saluum me fac: defende me; ne
 perdam, imò, ut augeam, thesauros
 pretiosæ gratiæ tuæ.

Ave MARIA, ora pro me nunc,
 nunc, & in horâ mortis meæ. MA-
 RIA, Mater gratiæ, &c. Per sanctam,
 & immaculatam Conceptionem
 tuam, & per Virgineam Maternita-
 tem tuam, purissima Virgo, emunda
 cor meum, & carnem meam, in no-
 mine Patris, & Filii, & Spiritûs san-
 cti. Amen.

S. Paule, S. Antoni, S. Catharina
 Senensis, S. Thoma de Aquino, &
 omnes Sancti olim tentati, sed vi-
 ctiores, defendite, juvate me, ut
 vincam.

Sancte Angele mi Custos, & o-
 mnes Sancti, & Sanctæ Dei, defen-
 dite me contra infernum.

O vos felices in Purgatorio ani-
 mæ, juvate me, ut vincam; & ego
 grati animi tributum aliquod vo-
 bis pendam.

Deus,

552 ANNI CÆL. XXX JUN.

DEUS, in adiutorium meum
intende: Domine, ad adjuvandum
me festina. O quot sunt in inferno,
quos punis, ob tentationem simi-
lem non superatam! quot sunt in
cælo, quos coronas, ob tentatio-
nem similem superatam!

Mors, Judicium, Infernus, Pur-
gatorium, Cælestis gloria, omnia
mihi clamant, ut amem Te, ut ti-
meam Te, Deus: ut non audiam
tentatorem, sed Te.

Vince in me, Jesu: triumphâ in
me, & in tentatis omnibus, qui in
tot tentationes vincientium Sancto-
rum cordibus triumphâsti; ut Te
amemus in æternum.

Veni sancte Spiritus, & emitte
cælitus lucis tuæ radium.

DEUS, qui diligentibus te facis
cuncta prodesse, da cordibus nostris
inviolabilem tuæ charitatis affe-
ctum; ut desideria de tuâ inspiratione
concepta, nullâ possint tentatione mu-
tari. Per Christum Dominum nostrum.
Amen.

Ad majorem DEI, DEIPARÆ, ac
Sanctorum omnium gloriam,
& ultimi agonis nostri so-
latium sanctum!